

Aalisarnermut PIniarnermullu Naalakkersuisoqarfik
Imaneq 1A, 701
Postboks 269
3900 Nuuk

APN@nanog.gl

Cc:

jepa@nanog.gl

thra@nanog.gl

24-01-2024

Royal Greenland A/S matumuuna Aalisarneq pillugu Inatsisartut inatsisissatut siunnersuutaannut tusarniaanermut ataani allassimasunik akissuteqarpoq.

I. OQAASEQAATIT NALINGINNAASUT

Inatsisissatut siunnersuut tamakkiisumik isigalugu suliarilluagaarpasillunilu piareersarluagaarpasippoq. Siunnersuut aalisarneq pillugu inatsisissamat 2017-imi saqqummiunneqartumut sanilliullugu piareersarluagaanerorpasippoq.

Siunnersuummi Kalaallit Nunaanni aalisarnermik suliaqarneq ammanerulersinneqassaaq, taamaalillutik aalisarnermik suliaqartut aalisarnerminnik tunisassiornerminnillu aqqissuussinissaminnut kiffaanngissuseqarnerulissapput, taamatuttaarlu suliaqartup inuiaqatigiillu aningaasaqarneranut iluaqutaasumik isertitaqarnitik pitsanngorsarsinnaassavaat.

Siunnersuut Kalaallit Nunaanni suliaqarfimmut annertuumik sunniuteqaratarsinnaagami ukiualuit ingerlanerini immami nunamilu aqqissuussaannikkut annertuumik pinngitsoorani allannguissaaq.

Siunnersuummi aningaasaqarnikkut naatsorsuutit tunngavigineqartut ullumikkut pissutsit atuuttut naapertorlugit suliaapput. Raajat ilivitsut immami uutat aamma raajat uutat qalipaajakallu pillugit annertuumik allanngueratarsinnaaneq niuerfinni pisunit aningaasaqarnikkut naatsorsuutinik annertuumik sunnerneqaratarsinnaavoq. Siunnersuulli inuiaqatigiinnut iluaqutaasinnaasoq

Royal Greenland A/S
Postbox 1073
Qasapi 4
GL-3900 Nuuk
Tlf: 36 13 00
Fax: 32 33 49

qularinngilarput, niuerfinnili pisut nalorninartoqartillugit suli annertussusileruminaappoq.

Umiarsuaatileqatigiiffiit pisassiissutitut killigitaasut pillugit inatsisit nutaat eqquutsikkumallugit pisassiissutinik tuniniaasussanngorpat aningaasat Kalaallit Nunaanni pigineqassanersut qularisinnaavarput. Pisuussutit taakku niuerfinni naligitinneqartut piviusut naapertorlugit tuniniarneqassappata aningaasarpasuit pigineqartariaqarput. Tamatumunnga atatillugu pisassiissutinik niueruteqarnissamut atatillugu isertortumik akunnermuliuttoqaratarsinnaaneranik nalorninartut annikillisinnissaat eqqumaffigeqquneqarpoq, ingammik sinerissap qanittuani raajarniarnermi immikkullu ittumik isumannaallisaanerit naatsorsuutigineqartut aningaasartuiffiungaatsiartariaqartillugit.

Inatsisissatut siunnersuummi naleqqussakkat nalunaarusiornikkullu sukumiinerusumik maligassiutaasussatut naatsorsuutigineqartut oqimaaqatigiissaarpasipput. Matumani eqqaaneqarsinnaavoq siunnersuut maanna saqqummiunneqartoq 77-inik aalajangersagaqarmat, tamannalu assersuutigalugu Savalimmiuni aalisarnermut inatsimmut 74-inik aalajangersagaqartumut sanillersuullugu assinguvoq.

Taamaakkaluortoq immikkoortut ilaat nalunaarusiornikkut aalajangersaaffigineqartussatut inissinneqartut nassuiartariaqartut tikkuarneqarput, inuussutissarsiummilu sinaakkutissat isumannaatsuutinnissaat siunertaralugu piaartumik naapertuuttunik nalunaarusiortoqarnissaa pingaaruteqarpoq.

Inatsisissatut siunnersuutip Inatsisartut upernaakkut ataatsimiinnissaanni suliarineqartussatut saqqummiunneqarnissaa siunertaasoq tusarniaassummi allaqqavoq. Tamanna taperserparput, nalunaarutillu 2025-mi januaarip aallaqqaataani ullulluunniit taassuma kinguninngua atuutilertussatut suliarineqarsinnaaniassammata siunnersuutip naammassillugu suliarineqarnissaa innersuutigaarput.

Ilisimaneqartutuut aalisarnermut inatsimmik nutaamik suliaqarneq ukiorpaalunni ingerlanneqarpoq, siunnersuullu tamakkiisoq kingullermik 2017-imi tusarniaassutigineqarpoq. Pingaarnertut inuuniutigisatsinni sinaakkutitut piumasaqaatit taama siviutigisumik nalorniffiunissaat attatiinnarneqarsinnaanngilaq, taamaammallu inatsisissatut siunnersuutip maanna saqqummiunneqartup sukkasuumik angusaqarfiusumillu suliarineqarlunilu atuutilersinneqarnissaa maanna siunniunneqartariaqarpoq.

Siunnersuut naapertorlugu sinerissap qanittuani raajarniarnermi aningaasaliinissamut periarfissat pitsanngussapput, taamatuttaarlu ilisimaneqarluarpoq aalisariutit pineqartut pisoqalingaatsiarlutillu agguaqatigiissillugu ukiorpassuarni atuussimapput.

Maleruagassanik nutaanik siunnersuuteqarnermi nassuiaateqarnissaq ingammillu inatsisinut atuutereersunut sanilliullugit allannguutinik taakkualu tunngaviinik nassuiaanissaq pingaaruteqarpoq.

Aalisarnermut inatsisissatut siunnersuummi nutaami aalisarnerup aqunneqarnissaanut malittarisassat nutaat siornatigut atuuttunut sanilliullugit allannguuteqangaatsiartut ilaapput. Allannguutilli taakku tusarniaassummi inatsisissatut siunnersuummut atatillugu nassiussuunneqartumi taaneqanngillat. Tamanna isornartorsiorneqarpoq.

II. AALAJANGERSAKKAT ATAASIAKKAAT PILLUGIT OQAASEQAATIT

§ 3, nr. 3 pillugu

Pisassiissutit assersuutigalugu saarullinnut suannullu tunngasut immikkut sunngiffimmi aalisartumut immikkut pisassiissutigineqassapput. Pineqartut sunngiffimminni sukisaarsaatigalugu aalisartarput, sulili tunisisinnaapput, namminerlu pissanik aalisarnej kisimi siunertaanngilaq. Taamaammat suussusit nassuiaat paatsuunganarsinnaavoq.

§ 3, nr. 15 pillugu

Pisarineqartut 75%-ii toqqaannartumik tulaanneqanngikkaluarlutik avammut tunineqarsinnaanissaat 25%-illu sinneruttut nunatsinni tunisassiorfinnut nunamiittunut tulaanneqartarnissaat aalajangersaaffigineqarsinnaappat umiarsuarmi tunisassiarineqarnerisut tunisassiarineqannginnersulluunniit ukkatarineqartariaqanngilaq.

Taamaalilluni pisarineqartut tulaanneqartariaqartut sukkavallaamik tulaassorneqaratarsinnaanerannik nunatsinnilu tunisassiarineqarnissaat kissaatigineqaraluartoq kinguninngua avammut tunipallanneqaratarsinnaanerinik nalorninartut annikillineqassapput.

§ 3, nr. 19 pillugu

Koralit pupiillu pissuseqatigiiaat niuerutigineqanngitsut uani ilanngunneqarnerat eqqumiiginarpoq

§ 3, nr. 22 pillugu

Pisat umiarsuarmi tunisassiarineqaqqusaanngitsut passunneqarnissaat iluamik nassuiarneqanngilaq.

Pisat umiarsuarmi tunisassiarineqaqqusaanngitsut nunami tunisassiarineqartariaqarnerat naapertuuppoq, tunitsivigisamili tunisassiarineqassanersut sumiiffimmulluunniit allamut assartorlugit, matumani

nunatta avataanut ilanngullugu, tunisassiarineqarsinnaanersut aalajangersarneqarsimangilaq.

Pisat "tulaanneqartut" arlaannaatigulluunniit tunisassiarineqaqqaarnatik assartorneqarsinnaappat, matumani aamma avammut tunineqarsinnaappat? Tamanna ersarinngilaq.

§ 3, nr. 23 pillugu

Tunisassiassat tulaanneqartariaqartut tunisassiarineqarsimanatik tulaanneqartarnissaat aalajangersarneqartariaqanngilaq. Nunami suliareqqinneqarsinnaasunngorlugit tulaanneqartarnissaat aalajangersarneqartariaqarpoq.

§ 3, nr. 27 pillugu

Nassuiaat paasiuminaappoq. § 5, imm. 2-mi KANUAANA Aalisarnermilluunniit Aqutsivik avaqqullugit allamik toqqaasoqarsinnaasoq periarfissaasoq allaqqavoq. "Nakkutilliisutut oqartussat" oqartussanit taaneqartuniit allaasartussaannerat siunertaava? Tamanna siunertaarpasinngilaq, taamaammat aalajangersagaq sukumiinerusumik ersarissarneqassaaq.

§ 5 pillugu

Aalajangersakkami imm. 1-imi politiit maanna nakkutilliisuutitaasut aalisarnermut inatsimmi § 27 naapertorlugu KANUAANA-mit taarserneqarput. Tamanna sukumiinerusumik nassuiarneqanngilaq, naapertuutinngilarlu. Inatsimmi massakkut atuuttumi politiit atuuffii ilumut allanut tunniunneqarpat? Tamanna nassuiarlugulu tunngavilersorneqartariaqarpoq.

KANUAANA Aalisarnermullu Aqutsivik naligiillutillu atuuffitik immikkut ingerlassinnaavaat, imaluunniit ataatsimoorlutik ingerlatsisariaqarpat? Tamanna nassuiarneqanngilaq.

Aalajangersakkami imm. 2-mi KANUAANA Aalisarnermulluunniit Aqutsivik avaqqullugit allat nakkutilliinermik oqartussaatinneqarsinnaapput. Siunnersuummi kina oqartussat marluusut pisinnaasaattulli pisinnaatitaasinnaanersoq sukumiinerusumik nassuiarneqanngilaq. Nalorninarloq taanna toqqissisimananngilaq, eqqugaaratarsinnaasullu iliuuseqarsinnaaqqullugit tamanna erseqqissaavigineqartariaqarpoq.

KANUAANA-p ullumikkumut sanilliullugu pisinnaaffeqarnerulersinnissaa siunertaappat pisinnaaffissaminik eqquutsitsinissaminut kivitsisinnaaqqullugu suut piginnaanngorsarfigineqartariaqartut nassuiassallugit pingaaruteqarpoq. Tamatumunnga tunngatillugu siunnersuummi nakkutilliinermik oqartussat ilaatigut inuit najugaannut isersinnaanissaannik pisinnaatinneqassasut maluginiarneqarpoq, tamannalu, kiisalu pisinnaaffiit allat ilinniarsimasunik sulisoqartinneqarnissaat

siunniunneqartoq naatsorsuutigineqarpoq. Aammattaaq akiligassiinermik arsaarinnissuteqarnermillu allaffissornikkut akuersisinnaanermut periarfissaq § 69-imi aalajangersarneqarpoq.

Eqqugaaratarsinnaasut iliuuseqarsinnaaqqullugit allannguutitut taamak annertutigisut tunuliaqutaat sukumiisumik nassuiarneqartariaqarlutillu inatsisitigut isumannaatsuunissaat ataqqineqartariaqarpoq.

Siunnersuummi inatsisinik unioqqutitsinermi iliuuseqarluarnerusinnaaniarluni aalisarnermik nakkutilliinerup nukittorsarnissaa siunertarineqarpassippoq.

Inatsimmi aalajangersakkat naapertorlugit KANUAANA Aalisarnermullu Aqutsivik nakkutilliinermik ingerlatsisuummata sulisaaseq maanna atuuttoq ingerlateqqiinnarneqartoq § 5-imit tunngatillugu oqaaseqaatini allaqqavoq. Tamanna ilumuunngilaq. Aalisarnermut inatsimmi atuuttumi 1996-imeersumi § 27, imm. 1 naapertorlugu illersornissaqarfiup aalisarnermik nakkutilliisui politiillu manna tikillugu inatsimmi aalajangersakkat eqquutsinneqarnerinik nakkutilliisuusut allassimavoq.

Kalaallit Nunaanni Eqqartuussisarnermut inatsimmi § 61-imi allassimavoq "Politiit suliassaraat Inatsisinik ileqqoreqqusanillu maleruaanissamik nakkutiginninnissaq kiisalu pinerluttaaliuisitsinissamut pisariaqartunik iliuuseqartarnissaq aamma tamakku pillugit suliassanik paasiniaanissaq malersuinissarlu. Politiit suliassaraattaq unnerluussisussaataasutut suliassaqaarnissaq."

"Aalisarnermik nakkutilliinerup nukittorsarneqarnera" anguniarneqartoq eqqartuussisarnermut inatsimmi aalajangersakkami politiit suliassaannut pisinnaatitaaffiinullu naapertuunnersoq qulakkeerneqarsimanersoq siunnersuummut oqaaseqaatini allassimangilaq. Illersornissaqarfiup aalisarnermik nakkutilliisoqarfianut attuumassuteqarnera aammattaaq qulakkeerneqarsimanersoq allassimangilaq. Tamanna siunnersuummi annertuumik amigaataavoq.

Kalaallit Nunaanni eqqartuussisarnermut inatsit folketingimiit akuerineqarpoq. Politiit oqartussaaneq politiit isumagineqassasoq tassani aalajangersagaammat pisinnaatitaaffik taanna naalagaaffimmi oqartussaasuusut isumasioqqaarnagit Inatsisartuni aalisarnermut inatsisiliornikkut annikillisinneqarsinnaananilu allanngortinneqarsinnaangilaq.

§ 9 pillugu

Aalajangersakkami siunnersuutigineqartumi nunatsinni aalisarnermik inuuniuteqarnermi nunani allani piginneqataassutit periarfissaajunnaassapput, maannalu piginneqataassutaasut piffissami nikikkiartuaarfimmi tuniarneqassapput.

Allannguut siunnersuutigineqartoq naapertorlugu nunatsinni aalisarnermi piginnittuunermut tunngasut pitsaaqutaat ajoqutaallu ilanngullugit maannamiit aaqqissuunneqartalissasut politikikkut isummerfigineqartartussatut nalilerpagut. Tamanna pillugu politikikkut aalajangiineq tusaatissatut tigullugulu malillugu naleqqussarumaarpugut.

Tamakkiisumik isigalugu ikerinnarsiorluni aalisarnermi nunani allani piginneqataassuteqarnitsinni pitsaasumik misilittagaqarluta ilanngullugu oqaatigiumavarput. Nunani allani aallussaqrneq matumani aalisarnermut pineqartumut nalorninartut naapertorlugit aningaasaliinermut ilisimasaniillu ilanngussinermut ilapertuutaavoq.

Aalajangersakkami imm. 3, nr. 2-mi "assigisaannilluunniit" inatsisip allassimasortaani ersarinnerusumik allassimasariaqarpoq, matumani ingerlatseqatigiiffinnut inatsit naapertorlugit aalajangiisinnaaneq aamma ilanngunneqarluni.

Aalajangersakkami imm. 6 naapertorlugu takussutissiineq piumaneqartoq sukumiinerusumik nassuiarneqartariaqarpoq, matumani isumaqatigiissutaasut aallussaqrartut aallussaminnik nammineerlutik aqutsisinnaanissamat pisinnaasaannut pingaarutillit tamarmik tunniunneqarsinnaasunngorlugit.

Inatsisissatut siunnersuummi immikkoortoq 3.6.1.1-imi oqaaseqaatini allassimavoq Royal Greenland A/S Pelagic Greenland A/S-imi piginneqataanermini maanna piginneqataasut Islandimeersut allanik taarsissallugit pinngitsaalineqassasoq. Siullertut piginneqataasut nunamit allameersut inatsimmi piumasaqaataasut eqquutsikkumallugit piginneqataassutsiminnik tuniniaasussaammata saqqummiussaq taanna paatsuunganarpoq. Royal Greenland A/S piginneqataasup piginneqataassutsiminik tuniniaanissaanik piumasaqarsinnaanngilaq.

Tamatumunnga atatillugu inatsisissatut siunnersuummi piginneqataasooq nunamit allameersoq piginneqataassutsiminik inatsit naapertorlugu tunisinngippat imaluunniit piginneqataassutsinut akuersisoqanngippat akuersissulluunniit atorunnaarsinneqarsimappat qanoq pisoqassanersoq aalajangersaasoqarsimanngilaq. Taamatut pisoqartillugu Naalakkersuisut piginnittut sinnerlugit piginneqataassutsinik tuniniaasinnaassasut aalajangersarneqassasoq assersuutaasinnaavoq.

§ 10 pillugu

Aalisariutinik umiarsuarnillu nalunaarsuineq maanna danskit inatsiseqarfianniippoq, taamaammatt danskit oqartussaatt taakku pillugit inatsisinik aalajangiisuussasoq naatsorsuutigineqarpoq. Aalisariutit minnerit soorlu umiatsiaaqqat Umiarsuarnut nalunaarsuiffimmi aamma nalunaarsooqassasut kissaatigineqarmat tamakku pillugit allanngortiterinissaq pisariaqarsinnaavoq.

§ 17 pillugu

Aalajangersakkani imm. 1-imi innersuutigineqarpoq"..... naapertorlugu..." uuminnga taarserneqassasoq"....ilaatillugu..." Aamma imaassinnaavoq".... mianeralugit..." soorluttaaq oqaaseq taanna § 18-imi atorneqartoq. Taamaaliornikkut Naalakkersuisut pisarineqarsinnaasut annertunerpaaffissaat, TAC, ukiumoortumik aalajangersaaffiginerini politikkimut, aningaasaqarnermut suliamullu tunngassuteqartut allat killilersorneqaratik ilanngussorsinnaanissaat ersarissarniarneqarpoq, piviusorsiornerli uumasogatigiillu uumassusilerinikkut piujuartinneqarnissaat pingaarutilittut ilaatinneqassapput. Angusat tunngavilersorluarsimanissaattaq pingaaruteqarpoq.

§ 24 pillugu

Aalajangersakkami imm. 2-mi 25%-it naatsorsornerisa tunngavissaat nalornisoqaqqunagu ersarissarneqassasoq innersuutigineqarpoq, taamatuttaarlu taakku 25%-it ingerlataqartup ukiumi ilivitsumi piffissamiluunniit allami pisaaniit naatsorsorneqassanersut ilanngullugu erseqqissarneqassasoq innersuutigineqarpoq.

§ 28 pillugu

Nunatta kitaata kangiatalu imartaani avataasiorluni saarullinniarneq IOK naapertorlugu aalisarnermut ilanngunneqanngilaq. Maanna aalisarnermut inatsit nutaaq naapertorlugu aalisarnerit allat IOK naapertorlugu aalisarnerussammata aalisarnerit pineqartut taamatulli ingerlanneqarnissaat pissusissamisoortoq nalilerparput.

§ 29 pillugu

Assersuutigalugu umiarsuup aseruanera il.il. pissutigalugit piffissami sivisuumi ingerlatsisoqanngitsillugu aallaqqaasiut avaqqullugu immikkut ittumik iliuuseqarsinnaanissamik periarfissaq ilanngullugu suliarisariaqarpoq.

§ 30 pillugu

Imm. 2-mi oqaasertaliineq sinerissap qanittuni aalisarnerup avataasiorluni aalisarnertulli periarfissaqarnissaanik tapersiingilaq, taamaalillunilu nunatta kitaata imartaani raajarniarneq aalisarnertut ataatsimoortutut ataatsitut isigineqartussanngortinneqarpoq.

Aalisariutit assigiinngitsut taakku marluk naligiisinneqassappata sinerissap qanittuani pisassiissutit avataasiorluni aalisariutinut nuutsinneqarsinnaanissaat aammattaaq periarfissinneqartariaqarpoq, tamatumani soorunami inatsimmi pisassiissutit annertunerpaaffissaat il.il. pillugit malittarisassat malinneqarnissaat naatsorsuutigineqassaaq.

Inatsit atuutilerpat pisassiissutit annertunerpaaffissaat pillugu malittarisassami avataasiorluni aalisarnermik ingerlataqartut sinerissap qanittuani aalisarnermik ingerlataqartuniit pisassiissutaanniit pissarsisinnaanissaminnik periarfissaqassanngillat, taamaammat imm. 2-mi aalajangersakkat pisariaqarpasinnngillat. Taamaammallu pisassiissutit pigineqartut maanna sinerissap qanittuani aalisarnermik ingerlataqartuniit avataasiorluni aalisartunut niueqatigiinnikkut nuunneqarsinnaanissaat aporfilersorneqartariaqanngilaq. Inatsisissatut siunnersuummi pisassiissutit annertunerpaaffissaat pillugit malittarisassaq naapertorlugu pisassiissutit naapertuutinnngitsumik ataasiinnarmiitinnissaat pinaveersaartinneqassaaq.

Imm. 2 aammattaq naleqqutinngitsutut misinnarpoq, tassami inatsit atuutileruni ingerlataqartunut killilersuilissammat, taakkuli kingusinnerusukkut ingerlataqalersussanut atuuttusnaanatik. Tassa imaappoq, sinerissap qanittuani aalisarnermik ingerlataqartoq inatsisip atuutilernerata kingorna pisassinneqaruni pisassiissutit avataasiorluni aalisarnermik ingerlatalimmut nuussinnaassavai, taamatuttaarlu avataasiorluni aalisarnermik ingerlataqartup inatsisip atuutilernerata kingorna pisassiissutit pissallugit. Tamanna erseqqissarneqartariaqarpoq.

Aalajangersakkap imai attatiinnarneqassappata sinerissap qanittuani aalisarnermik ingerlataqartut qanoq ilillutik avataasiorluni aalisarnermik ingerlataqartut atugassarititaasa nalinganik atugassaqalissanersut, tassa imaappoq pisassiissutinik taakkunungattaq tunisinissaminnut periarfissaqassasut, erseqqissaavigineqartariaqarpoq. Taamaaliortoqarsinnaavoq assersuutigalugu tapertaralugu ima aalajangersaanikkut: "siornatigut sinerissap qanittuani aalisarnermik ingerlataqartut avataasiorluni aalisariummik pissarsisinnaapput taamaalillutillu avataasiorlutik aalisalersinnaallutik, matumani avataasiorlutik aalisartunut allanut pisassiissutinik nuussisinnaanermikkut."

§ 31 pillugu

Akuersissuteqarnermi iluanaarutissat pisassiissutit ukiumoortumillu pisassiissutigineqartut niuerutiginerini nalingi qulakkeerneqartassasut allassimasumi ilaasariaqarpoq.

§ 32 pillugu

Aalajangersakkami 1-imi aamma 2-mi oqaaseq "assigisaalluunniit" suna pineqarnersoq ersarissumik inatsimmi allassimasumi sukumiinerusumik nassuiarneqarsimasariaqarpoq.

Aalajangersakkami imm. 3-mi "ingerlatseqatigiiffiit pisortanit pigineqartut" suunersut ersarissarneqartariaqarpoq, tassa imaappoq ingerlatseqatigiiffiit pisortanit tamakkiisumik pigineqartut imaluunniit ingerlatseqatigiiffiit pisortanit pigiinneqataaffigineqartut aamma ilaanersut erseqqissarneqartariaqarpoq.

Aalajangersakkami imm. 4-mi uppenarsaatit suut piumasarineqarsinnaanersut sukumiinerusumik nassuiarneqartariaqarput, matumani

isumaqatigiissutigineqarsimasut
tunniuteqquneqarsinnaatillugit.

illuatungeriinnut

pingaarutillit

§ 33 pillugu

Saattuarniarnermi ukiuni tallimaannarni pisassiissuteqartoqartassasoq tunngavilersorneqanngilaq. Aalisarnerup taassuma aalisarnerniit allaniit allaanerusariaqarneranut ersarissumik tunngavissaqanngikkaanni aalisarnermut tamatumunnga pisassiissuteqarneq ukiuni qulini aamma atuuttariaqarpoq.

Immikkoortoq 3.8, immikkoortoq siulleg, inatsit pillugu oqaaseqaatit inatsimmi allassimasunut naleqqussarneqarsimarpasinngillat, imatullu taamaallaat paasineqarsinnaallutik aalisarnermut akuersissummik ukiumut ilivitsumut tunniussinerit tamaasa ukiuni qulini pisassiissuteqarnissamik nutaamik aallartitsisoqartartoq, taamaalillunilu pisassiissutit pillugit atorunnaarsitsinissamut nalunaaruteqarsinnaaneq ukiuni qulini atuuttoq nutaaq aallartinneqartarluni.

§ 34 pillugu

".... pisassiissutinit pigisat
ilaannannguiniq peersinikkut aatsaat pisinnaavoq, tassalu ukiumut 20%" atuaraanni aalajangersagaq paatsoorneqarsinnaavoq, taamaammallu erseqqissarneqartariaqarpoq.

§ 37 pillugu

Piffissaq aalajangersimasoq pisassiissutinik ukiuni sisamani aalisarfiunngitsoq pisassiissuteqartut aalisarsinnaanermut pisinnaatitaaffiinik atorluaanissaanut tunngaviusumik kissaateqarnermut akerlilivoq. § 36-mi aalajangersarneqartunit qaammatinit 18-it sivisunerusumik atuutsitsinissamut tunngavilersuut takujuminaappoq.

§ 38 pillugu

Assersuutigalugu umiarsuup aseruanera il.il. pissutigalugit piffissami sivisuumi ingerlatsisoqanngitsillugu aallaqqaasiut avaqqullugu immikkut ittumik iliuuseqarsinnaanissamik periarfissaq ilanngullugu suliarisariaqarpoq.

§ 39 pillugu

Kaaviiartitsisinnaanerp naleqquttut isumaqatigiissutigineqartup killilersorneqarnissaanut suna tunuliaqutaanersoq takujuminaappoq. Killilersuinissaq taanna kissaatigigaanni 15 %-imut inissinneqartariaqarpoq, taamaalillutik ukiumoortumik pisassiissutinik nuussinerit aqqissuussisinnaanerullu eqaatsuunissaat assigiimmik suliarineqarsinnaassapput.

§ 40 pillugu

Naliliinerup kingorna tunniussisinnaaneq Naalakkersuisunit peqqussutigineqarsinnaasariaqarpoq taamaalillunilu inatsisitigut aalajangersakkatut atortussaatinneqassanngilaq. Pisassiissutit pillugit pingajuusup pisinnaatitaaffigisinnaasai matumani qularnaveeqqusiinermut pisinnaatitaaffiit, inatsimmi allassimasuni isummerfigineqartariaqarput.

§ 41 pillugu

Imm. 2-mut innersuussineq § 31-mut §34-muunngitsorlu tunngarpasippoq. Pisassiissutit pillugit pingajuusup pisinnaatitaaffigisinnaasai matumani qularnaveeqqusiinermut pisinnaatitaaffiit, inatsimmi allassimasuni isummerfigineqartariaqarput.

§ 43 pillugu

Aalisariutip nunatsinniittutut nalunaarsorneqarsimasup Naalakkersuisunit akuerineqaqqaarluni aatsaat tulaassisinnaanissaa pillugu tunuliaqutigineqartoq takujuminaappoq.

§ 47 pillugu

Aalisariutinik nunanit allaneersunik misissuineq akuersissuteqarnani pisinnaassava? Tamanna siunertaarpasinngilaq, allassimasorli taamak paasineqarsinnaavoq.

§ 51 pillugu

Paasissutissanik katersinermi tunngaviusoq paasissutissanik inummut tunngasunik katersinermut atuuttumut assingusariaqarpoq. Paasissutissanik siunertanut aalajangersimasunut pisariaqartumik taamaallaat katersisoqarsinnaasariaqarpoq. Aammattaaq paasissutissat pisortani oqartussat nammineq pissarsiarisinnaagunikkit/nassaarisinnaagunikkit suliffeqarfiit ataasiakkaat paasissutissanik ujaaseqqullugit/nassiusseqqullugit pisarissorneqartariaqanngillat - assersuutigalugu nittartakkani tamanit atorneqarsinnaasuni.

Paasissutissanik katersinermi siunnersortit/suliffeqarfiit avataaniittut atorneqartillugit nipangiussisussaataaneq pisortat ingerlatsiviini atuuttoq atsiorneqarsimassasoq soorunami qulakkeerneqassaaq.

Paasissutissanik assigiinngitsunik pissarsineq suliffeqarfinnut aalajangersimasumik annertussuilinnut killilersorneqartariaqarpoq, tassami aalisarnermut suliffeqarfiit minnerit aalisartulluunniit ataasiakkaat paasissutissanik tunniussinissaminnut pisariaqartunik isumalluutissaqanngillat, taamaammallu digitalimik atuisoqarsinnaanera aamma naatsorsuutigineqartariaqarpoq.

§ 52 pillugu

Aalajangersakkami imm. 2, nr. 1 allassimasumut, imaluunniit immikkoortumik, ilanngunneqartariaqarpoq akuersissuteqarnermut takussutissat qanoq ilinikkulluunniit atuuttut aamma tamanit takuneqarsinnaanissaat. Tamanna paasisaqarnarlunilu isertuussaqaqnginnermik takussutissiissaaq, tunisisartorlu tunisinermini atuuttumik aalisarsinnaanermut akuersissuteqartoq tunisassiassanik pisisartut nakkutigisinnaassavaat, taamaaliornikkut tunisat inatsisit naapertorlugit tuniniarneqaqqissinnaassapput.

Akuersissutitut takussutissat saqqummiunneqarsimasut paasisutissanik inummut tunngasunik allaqqasoqaqnginnissaa matumani naatsorsuutigineqarpoq.

Aalajangersakkani imm. 2, nr. 1-imi piginnittuunermut paasisutissat Erhvervsstyrelsenip nalunaarsuiffianiittut inatsisitigut piginnittuunermut piginnittuunermullu nalunaarsuinerit taamatuttaarlu ingerlatseqatigiiffinnut inatsimmi aalajangersagaasut assigalugit killilersorneqartariaqarput.

Aalajangersakkani imm. 2, nr. 4 aamma 5-imi tunineqartut annertussusaat tunineqartullu nalingi peerneqartariaqarpoq imaluunniit paasisutissanik piginnittumiit akuersissummik peqaqqaarnissaaq siunniunneqartariaqarpoq. Paasisutissat taakku – paasisutissallu § 52-imi ilaasut – paasisutissanik suliffeqarfimmut tunngasunik attuumassuteqaqngitsut takusassarinnigisaannik allagaatinik takunnissinnaanermi malittarisassanut inatsimmullu tassunga tunngasunut allanut ilaatillugit piumaneqarsinnaassanatillu saqqummiunneqarsinnaassanngillat.

§ 53 pillugu

Paasisutissat suliffeqarfimmut tunngasut attuumassuteqaqngitsut takusassarinnigisaat allagaatinik takunnissinnaanermi malittarisassanut malittarisassanulluunniit tassunga tunngassuteqartunut ilaatinneqaqngitsut nassuiaassummi matumani atorineqartussat pissarsiarineqarsinnaassanngillat.

Aammattaaq ukiumoortumik nalunaarusiat kukkunerisukkat ukiup siulianimoortuussapput taamaalillutillu paasisutissanik nutartikkami imaqaassanatik.

§ 54 pillugu

Imm. 4-mi ingerlatseqatigiiffiit pisortanit pigineqartut aamma namminersorlutik ilaasortatut Aalisarnermut Siunnersuisooqatigiinnut ilaasortanngorsinnaassapput.

Kapitel 14 pillugu

Inatsisissatut siunnersuummi § 5 qulaaniittoq pillugu oqaaseqaatit matumani innersuutigineqarput.

§ 62 pillugu

Aalajangersakkami imm. 2, imm. 2-mi nikingasunik eqqartuussaaneermik kinguneqartunik akiligassinneqarnermilluunniit kinguneqartumik paasisaqartoqarpat misissuineq umiarsuaatileqatigiinnit akilerneqassasoq ilannguttariaqarpoq.

§ 63 pillugu

Aalajangersakkani imm. 1-imi suliffeqarfinnut isersinnaaneq minnerpaamik inatsisinik unioqqutitsisoqarsimaneranik pasitsaassaqartoqartillugu aatsaat pisussatut piumasaqaateqartariaqarpoq.

Aalajangersakkami imm. 2-mi inuup nammineq najugaanut isersinnaaneq inatsisinik unioqqutitsisoqarsimaneranik qularunnaarluni pasitsaassaqartoqartillugu aatsaat pisussatut piumasaqaateqartariaqarpoq.

§ 64 pillugu

Aalajangersakkami kukkuluttorneyit annikinnerusut pingaaruteqanngitsumik paatsooqatigiinnernik peqquteqarsinnaasut, puiguluttorneyit il.il. aningaasaqarnikkut naatsorsuutiginnisamik kinguneqarsinnaanerit pillugu naleqqiussisinnaaneq amigaataavoq.

Tamanna iluarsineqartariaqarpoq, assersuutitullu ima pisinnaavoq naleqqiussinermi taamatut pisoqassanngitsoq imaluunniit pisarineqartut ilamernganut taamaallaat atuutissasoq oqanngippata pisut taaneqartut pissutigalugit Naalakkersuisut aalisakkanik tunisaqarsinnaaneq inerteqqutaatissinnaallugu.

§ 66 pillugu


§ 64-imut oqaaseqaatigineqartut matumani innersuutigineqarput.

§ 69 pillugu

Atorfik taanna ingerlassinnaajumallugu piginnaanngorsarnissamik pisariaqartitsineq, maanna Kalaallit Nunaanni politiinit isumagineqartoq, politiillu pineqartumi pisarialimmik ilinniartitaareernerat pissutigalugu tassani pitsaanerpaamik inissisimasussaq, pillugu § 5-imi oqaaseqaatit innersuutigineqarput.

Suliat akiliisitsinermut arsaarinninnermullu tunngasut pisortani allaffissornermi annikiginarsinnaagaluartut unnerluussaasunut annertullutillu pisariusinnaapput, taamaammallu malittarisassat naapertorlugit suliarinissaat pingaaruteqarpoq.

Inuulluaqqusillunga



Lars Nielsen

Tunisassiornermut pisortaq